



ԿԱՆՈՆԱԿԱՐԳ

ԷԹԻԿԱՅԻ ԿԱՆՈՆՆԵՐԻ ԵՎ ՎԱՐՎԵՑՈՂՈՒԹՅԱՆ

1. Ընդհանուր դրույթներ

- 1.1 Երևանի էրեբունի քժշկական ակադեմիա հիմնադրամի աշխատակիցների էթիկայի կանոնների և վարվեցողության կանոնակարգով թույլատրվում է ակադեմիայի տարածքում թույլատրելի և արգելվող գործողությունները, դրանց նկատմամբ հսկողության իրականացումը և կարգապահական պատասխանատվության ենթարկելու կարգը:
- 1.2 Սույն կանոնակարգը մշակվել է ՀՀ Սահմանադրության ՀՀ Աշխատանքային օրենսգրքի ակադեմիայի Կանոնադրության և այլ ներքին իրավական ակտերի կհիման վրա:

2. Ակադեմիայի աշխատակցի էթիկայի պահպանման կանոնները

- 2.1. Հարգել ՀՀ պետական խորհրդանիշը և պետական լեզուն
- 2.2. Լինել կարգապահ, ցուցաբերել օրինակելի վարք, աշխատակիցների հետ շփման լմեջ լինել զուսպ
- 2.3. Ակադեմիան ներկայացնելիս լինել արդար և շրջահայաց
- 2.4. Աշխատանքային հարաբերություններում պահպանել ենթակարգությունը
- 2.5. Արդար վերաբերվել գործընկերներին, ներգրավել նրանց իրենց առնչվող որոշումների կայացման մեջ, հիմնավորել սեփական կարծիքը, արտահայտել այս կամ այն որոշման նկատմամբ դիրքորոշումը
- 2.6. Գործընկերների համար հավասար հնարավորություններ ստեղծել գիտելիքների և հմտությունների զարգացման գործում
- 2.7. Ցուցաբերել նրբանկատություն, հարգել և հայցել գործընկերների մասնագիտական կարծիքը, գնահատել գործընկերների կատարած աշխատանքը
- 2.8. Չխոչնդոտել գործընկերների աշխատանքային պարտականությունների կատարման գործընթացը
- 2.9. Գործընկերների հետ հարաբերություններում լինել նրբանկատ, դժգոհությունն արտահայտել միայն նրա ներկայությամբ

- 2.10. Ուշադրություն դարձնել այն իրավիճակներին, երբ գործընկերոջ անձնական շահը հակադրվում է Ակադեմիայում իր պարտականությունների կատարման հետ
- 2.11. Անկողմնակալ վերաբերմունք դրսևորել ուսանողների, գործընկերների և այլ աշխատակիցների նկատմամբ
- 2.12. Հարգել ուսանողներին և աշխատակիցներին՝ անկախ ազգությունից, սեռից, դավանանքից, սոցիալական ծագումից
- 2.13. Խնամքով վերաբերվել Ակադեմիայի գույքին
- 2.14. Առողջության սպառնացող վտանգի մասին տեղեկացնել անմիջական ղեկավարին
- 2.15. Աշխատանքի ներկայանալ կոկիկ, համապատասխան ոճի հագուստով
- 2.16. Աշխատանքը և ընդմիջումը սկսել և ավարտել Ակադեմիայի կարգապահական կանոններով սահմանված ժամերին
- 2.17. Բացառել անձնական, գույքային կամ ֆինանսական և այլ շահերի հետ կապված այնպիսի գործողություններ, որոնք խանգարում են նրա կողմից աշխատանքային պարտականությունների բարեխիղճ կատարմանը
- 2.18. Չչարաշահել պաշտոնական դիրքը կամ Ակադեմիայի հեղինակությունը իր կամ այլ անձանց համար արտոնություններ, բացառություններ և նպաստավոր այլ պայմաններ ստեղծելու համար,
- 2.19. Չհրապարակել իրեն հայտնի դարձած ծառայողական գաղտնիքը, գործել բացառապես իրեն վերապահված լիազորությունների շրջանակում
- 2.20. Պատրաստակամություն դրսևորել օգնելու և աջակցելու գործընկերներին
- 2.21. Չհետապնդել ուսանողներին՝ քննադատության, կարծիք արտահայտելու պատճառով, չնսեմացնել սովորողի պատիվն ու արժանապատվությունը

3. Էթիկայի կանոնների նկատմամբ հսկողություն

- 3.1. Ակադեմիայում էթիկայի կանոնների նկատմամբ հսկողությունը իրականացվում է կադրերի բաժնի կողմից
- 3.2. Ակադեմիայում ընդհանուր հսկողությունը իրականացնում են ռեկտորը, պրոռեկտորը, անվտանգության աշխատակիցը
- 3.3. Էթիկայի կանոնների խախտման դեպքում աշխատակիցը ենթարկվում է կարգապահական պատասխանատվության՝ համաձայն Ակադեմիայի ներքին կարգապահական կանոնների և այլ իրավական ակտերի